

Sudovi demantiraju navode o svojoj neefikasnosti

Općinski sud Sarajevo i Okružni sud Banja Luka oglasili su se jučer zajedničkim saopćenjem u kojem demantiraju navode iz Izvještaja WB u kojem su Sarajevo, Banja Luka i Mostar rangirani kao najgora mjesta za poslovanje u jugoistočnoj Evropi, a po kojem odgovornost za takvo stanje prvenstveno snose neefikasni sudovi.

- Želimo istaći da se svi poslovi u ova dva suda koji su vezani za redovno privredno poslovanje (registracija preduzeća i statusnih

promjena preduzeća, itd) pod uslovom da je u sud podnesena kompletna zahtijevana dokumentacija i ostvareni svi zakonom predviđeni uslovi obavlja u roku od pet dana što je za dva dana brže nego u sudovima u Skadru i Vlora koji se na spomenutoj listi nalaze na prvom mjestu - navodi se u reagiranju dvaju sudova.

U saopćenju se navodi da upis u zemljišne knjige u Općinskom sudu u Sarajevu iznosi od sedam do 30 dana dok je prosjek u zemljama EU 15 dana. (f)

